

# شاهد رخام

\*\*\*\*\*

نويت خلاص أبقى غني

أشحت لي طاقة للغدا

وفي العشا

رز الملايكة في المنام

وافطر رغيف

فطار خفيف من غير غموس

حاوي بيخ الجاز أنا

بيكتفوني بالحديد

أفك نفسي ألم لي

ييجي كام جنيه

وأفضل أحوش في الفلوس

وعلومي صبحت كلها ف الحنجلة  
إزاي أعيط والهدوم مترقة  
عشان رصيدي فالبنوك  
يقدر يجيب شاهد رخام  
نفسى أندفن عكس الكابوس  
تصدقوا إني نسيت أحكي المنام  
موكب وكان فيه أربعة  
سابوني من غير الكفن  
جوة مدفن من مدافن للزكاه  
ورموني عكس القبلة فيه  
وعشان كذا جت نيّتي  
ناوي أسيب اللي يليق  
عشان مايدعوا بقلبهم  
ربي ياريتك ترحمه